

Аққайың

Балабақшада Наурыз мерекесі аталып өтті

Наурыз – көнеден келе жатқан мереке. Қыстан аман шыққан халық Наурызды асыға күтеді.

Халқымыз үшін Наурыз – жыл басы. Бұл табиғаттың жаңаруының, көктемнің, махаббаттың, достықтың, құнарлылықтың бейнеленуінің тамаша мерекесі.

Сонымен біздің балабақшамызға барлық тіршіліктің жаңару мерекесі Наурыз мерекесі де келіп жетті. Мереке қарсаңында әр топта «Наурыз – әулие мен ізгілік мерекесі» атты әңгімелер өткізілді. Осыған орай 18 наурызда екі ортаңғы және ересек тобының тәрбиеленушілерінің қатысуымен «Балапан» бөбекжай-бақшамызда, Күн мен түннің теңеліп, табиғаттың қайта жаңғыратын ерекше сәтінде қазақ халқының ұлылығын дәріптей түсетін «Ұлыстың ұлы күні – Өз Наурыз мейрамы» атты ертеңгілік өтті. Сонымен қатар, Наурыз мерекесіне арналған ұлттық нақыштағы бейнеленген киіз үйдің ішіне қазақтың кебезесін, шымылдығын, ат әбзелдерін, ыдыс-аяқтарын қойып безендіріп, арнайы дастархан жайылды. Қонаққа Қыдыр ата, Алдар көсе, Хан, Көктем ханшайымы атты кейіпкерлер келіп, өз рольдерін сомдады. Балалар «Арқан тарту», «Теңге алу» ойындарына белсене қатысып, өю-өрнектеп тігілген, көздің жауын алатын киімдерді киіп, «Батырлар» биін билесе, қыздар «Алма» биін билеп, тақпақ, өлеңдерімен жалғастырды. Ересек топ тәрбиеленушілері «Өз-Наурыз» өлеңін орындап, «Домбыра» биін билеп, көрермендерді таң қалдырды.

Бұл мерекелік шараға балалар үлкен қызығушылықпен ат салысты. Әр бала өзінің тәтті қылықтарымен, бойына тамған өнерлерін көрсетіп, қонақтардың жүздеріне күлкі сыйлады. Мерекеге келген ата-аналар дән



риза болып, өздерінің жылы лебіздерін білдіріп жатты. Шара соңында қонақтарға арнайы шашу шашылды, бата берілді. Осылайша «Балапан» бөбекжай-бақшасында Ұлыстың ұлы күні-Өз Наурыз мерекесі мерекеленіп өтті.

Райхан ИМАТАЕВА,

«Балапан» бөбекжай-бақшасының ересек топ тәрбиешісі